

۱ شعبان ۱۳۳۲

پنجشنبه

۱۹ حیران ۱۳۳۰

تلفون ۱۰۹۷

امور اداره و تحریریه و اعلانات و سائرہ
ایچون مدیر مسئولہ مراجعت ایدلیدر .
عرفای امتک مقالات متصوفانہ ربینہ
جریدہ صوفیہ نک صحیفہ لری آجیقدر .
درج ایدلیان اوراق اعادہ ایدلز .

جریدہ صوفیہ

شیمدیلک ہفتہ دہ بر نشر اولنور .

نسخہ سی ۴۰ پارہ در .

ابونہ سی : بر سنہ لک اعتباریلہ ممالک عثمانیہ
ایچون بشین اولہرق ۴۰ آلتی آیلنی ۲۵
غروش و ممالک اجنیہ ایچون اون ایکی فرانقندر

محل اداره باب عالی جوارنده ابوالسعود
جادہ سندہ نجم استقبال مطبعہ سی

تصوفی ، دینی ، اخلاقی ، ادبی ، سیاسی جریدہ اسلامیہ در .

عدد — ۹۷

سنہ — ۲

روح مطلق نسق آرای وجود آدم
ایدی حق سبب خلقت عالمدر بو
حیی ملک ازل ممضی منشور قدم
ذات و معنای الوهیت محرمدر بو

هرسهم غرض واصل مرقات مرام
قاب قوسین او اذناده مکلمدر بو
جمله ارواح رسل بوندن آلیز فیض شهود
انیا موکبه سرور اکرمدر بو

روح پاکه صلات ایله سلام ایله فرید
اغلا آه ایت که منام شه اعظمدر بو
لعل کون ایله رک اشک ترم اغلامر آم
روضه پاکه چون تحفه شیدمدر بو

درس سنجانی مدعی عمومیسی

خرپون

احمد فرید

اون ایکی باب طریقت نسبتدن رونما
خاتم پیران عزتدر جناب نقشبند
منهای سدره قاف خفادر لانه سی
مرغ عنقای هویتدر جناب نقشبند
عرضه اولی ده صف اولک شهبازیدر
حامل سر امانتدر جناب نقشبند
بن کبی بر ابکمی بلبل کبی انطاق ایدر
اولیه عال العال همتدر جناب نقشبند
رابطه ایتدکجه شاهه یویله یوز بیک سویلرم
نطق « ما اوحی » حیرتدر جناب نقشبند
تا صباح حشره دک طورمام اگر جهد ایلسم
دلده مقناطیس وحدتدر جناب نقشبند
شاه بها الدین نقشیدر شهنشاه بطون
فوزیا عشاقه رحمتدر جناب نقشبند

فاتح : مصطفی فوزی

اعتماد اولنوب اولنمایان احوال

وجد : شهوددن غایب و قلبه مصادف اولان خاله وجد دیرلر.

وجده اعتماد اولنور ، لکن تواجده اولنماز

خاطر: اوکاهاجس ده دینور، معتمد علیه اولوب خاطر تانی وثالث ودها
زیاده یه اعتماد اولنماز. ذات روح مدبرک صورته اولان تجلی یه اعتماد اولنماز.
منتظر اولان دارده اعتماد اولنماز ، عالمک مساویسنه اطلاع معمول
علیه دکدر ، سنک نفسنده غیرک محبتی انتاج ایدن حاله اعتماد اولنماز
سور مقیده ده اولان تجلی معنوی یه اعتماد اولنماز، اکابر رجلاک اظهار
کشف خاطر سنده اعتماد اولنماز اشیا نیک جناب الهی شینک مداوم اولدیفنک
ذکر کبی ذا کره اوله رق وقوع بولان کشفه اعتماد اولنماز، شریعت
متواتر یه مخالف اوله رق القاء بالقاء یا خود کتابت طریقیله بر حقیقه
موصل اولان کشفه اعتماد اولنماز خطا ایسنه مکشفک او صورته
کندنده اظهار ایتدیکی علمی زعمنجه تأویلنده واقعدر .

هر علم حقیقت که شرع شریفده او حقیقتی رد ایچون بر حکم
یوقدر او صحیحدر، واکر شرع شریفده او علم حقیقتی رده دائر حکم
وارددر صحیح دکدر .

مخالقاتده حقندن سماع اگر سامع او سماع خطاب ابتلا اولیه رق
کلدیکنی بیلمزسه بو سماعه اعتماد اولنماز خلقی عین حق جامع ایله
وتسلیم ایدرک وقوعه کلان نظر معتبر دکدر مخالفاتی استحصاب ایله
برابر خرق عوائد و مزید فوائد اعتماد اولنماز .

الحان و نعمات لذیذنه نک سماعنده حاصل اولوبده نعماتک انقطاعنده
سکون بولان حرکتده اعتماد اولنماز .

اشیاده حقندن سماعه عارف اولان، اعتماد ایتمز .

اکابر رجال ایکی یا دهها زیاده نفسده بر حاله اقامته اعتماد ایتمز

حضرت شاه نقشبند

رمز قرآن شریعتدر جناب نقشبند

مصحف علم طریقتدر جناب نقشبند

آنده در فیض هدایت ، آنده در نور خدا

نقش عرفان حقیقتدر جناب نقشبند

صلب معنای بطونندن کلورلر اصغیا

آدم سر ایتدر جناب نقشبند

موج دریای بلا تزدنده کتر قطره در

نوح طوفان جلالندر جناب نقشبند

نار نمرود هوا نوریله در برد و سلام

شمس خلوتگاه خلندر جناب نقشبند

زیر پاینده غباردر قلم بحر فنا

خوش کلیم طور نسبتدر جناب نقشبند

نیجه بیک دل مرده یی پاینده احیا ایلدی

روح قدسی فیض و حکمتدر جناب نقشبند

نیجه یوز بیک ادهمی شاه خراسان ایلدی

شول سلیمان حکومتدر جناب نقشبند

قرب « او ادنا » یه آندن درس آلور ارباب دل

شرح متن احمدیتدر جناب نقشبند

برده دار باب لطیفدر قطبر شهباز

مظهر هر اکیتدر جناب نقشبند

وصف شاننده آنک تخصیص قطیعت نه در !

ملجاً اغواث امتدر جناب نقشبند

بونک شرطی ده بعدالورود زائل اولوب مثل بعدالمثل تعقیب ایلمکدر مکرکه صفا کسب ایله بعضاً مثل تعقیب ایتمز بوندن طولایی صوفیه بینده خلاف نشئت ایتمشدر. مثل تعقیب ایدرسه دوامنه و مثل تعقیب ایتمزسه عدم دوامنه قائلدر. دلیشدرکه حال عبد اوزرینه اوصافک تعبیردر بشقه برشی دکلددر .

علم افاده ایتمیان هر فایه اعتماد اولماز .

جمال مقید ایله نفسی مشغول اولوبده جمال حق اشیاده کورور. دعواسنده بولنانک دعواسنه اعتماد اولماز . بعض اشیاده حق تعظیم معول علیه دکلددر . خلق و ماسوی الھی الھک جنابنده عین نقص ایله رؤیتنه اعتماد اولماز . انسانک ملائکه اوزرینه یاخود ملائکهک انساندن علی الاطلاق فضلی مؤدی اولان کشفه اعتماد اولماز برصورتده تکرر ایدن تجلیه اعتماد اولماز .

وقت حاجتک غیریسنده جناب حقه اعتمادکه توکلدر معتمد علیه دکلددر .

مکلفک تصرفی جائز اولان و اولیان شیر اراسنده کی تمیزی اسقاط ایدن معرفه اعتماد اولماز . حقک وجودینه خلقک وجودینی دلیل اتخاذ ایتک معلول علیه دکلددر زیرا خلق غایه اولماز چونکه جناب حقندن غیر مرئی یوقدر ، اسماء الیه دن عاری اوله رق الھی معرفه اعتماد اولماز زیرا بو درلوسی معرفت دکلددر . بشریتک ایفاسیله برابر عندالحاجه علم قوتیه حاصل اولان سکونه اعتماد اولماز . زیرا بوسکون سریع الزوال بر حال عارضیدر ، علم انتاج ایتمیان حاکم زیاده لکنه اعتماد اولماز . اکابر عندنده حاله اعتماد اولماز . حقک قلبده وجودینه اعتماد اولماز زیران قران کریمده (ما عندکم ینفد) بیورلمشدر .

اضطرار وقتنده حقک وجودینه اعتماد اولماز زیرا بو وجود حالدر ، حاله اعتماد اولماز اگر حق حال اضطرارک غیریسنده بولورسه بوکا اعتماد اولنور اضطراردن تعری حال غیر مرصیدر . حقک انده وجودی ایسه مرصیدر . اسبابک رفی عندالاکبر معتمد علیه دکلددر چونکه اکابرک شانی اسباب عندنده وقوفدر ، مریدک علم کندوسنه قوت ویرسه اسباب ایله وقوفنه اعتماد اولماز ، آچلغه اعتماد اولماز .

عدم احترام ایله برابر اهل الله محبت معتمد علیه دکلددر ، غایه سی عمل اولان علمه عملسز اوله رق اعتماد یوقدر ، اخلاصسز اولان علمه اعتماد اولماز ، فکرک نتیجه سی اولان معرفه الله اعتماد اولماز ، اولجه نفس ایله قائمه اولان مثالره مطابق تجلیاته و کذلک اصحاب خلواته خلوتده ظاهر اولان تجلیاته اعتماد اولماز ، ایکنجی صبره اعتماد اولماز ، معتمد علیه اولان صبرصدمه اولاده اولانددر . زیرا بو صبر جناب حق ایله حضورده اولدیغه دلیلدر . حق صفات خلقندن مطلقاً تنزیه معتمد علیه دکلددر ، زیرا علیه الصلاة والسلام اقدمز حضرتلرینک اثبات و رفع بیوردیغی نفیه مؤدیدر .

علم الهمیده اولان قناعتنه اعتماد اولماز ، ایشاره اکابر رجال صوفیه

اعتبارایتمز زیرا بو ایشار امانتی ادادن عبارتدر . اصلنی بیلمدیکک حالده هر نه وارد اولورسه اعتماد اولماز ، ظنه اعتماد اولماز ، بعض کنشاهدن توبیه اعتبار یوقدر ، بعض امورده توکله اعتماد اولماز ، اللهک مکرندن امنیت بخش ایدن هر حال ویا کشف ویا علمه اعتماد اولماز ، نور یا کوکب یاضیاء یا صورت یاخود حرکت غیر معتاده دن ظاهر اولوبده ظهورنده هانکی علمدن اولورسه اولسون بر علمی افاده ایتمیان بارقهیه اعتماد اولماز .

ع . ن

ارتحال مؤسف

غزته من هیئت تحریریه سندن اکیلی خواجه زاده احمد حلمی بک مبتلا اولدینی خسته لقند شفا یاب اوله میهرق شهر حال حزیرانک ۱۲ نجی پنجشنبه کونی چنکل کوینده کائن خانه لرنده ارتحال دار بقا ایشلدر . مومی الیه ایکی سنه بی متجاوز جریده مزه (مناقب اولیا) - (تذکار ابرار) عنوانلری آلتنده سادات علیه نقشبندیه نک و علمای اسلافک تراجم احوالی و اولجده ترجمان حقیقت غزته سنده (برجولان دیندارانه) عنوانیه رمضان شریفده زیارت ایتدیکی اولیانک تراجم و اوصاف عالیله یی یازمشلردی خسته قلری یازی و مطالعه یه بر مانع شدید اولدیغندن چنکل کوینده کی خانه لرینه برای استراحت نقل ایشلردی . کندیس دیندار ، حلیم ، ساکن ، متواضع ، محب علم و عرفان ایدی . پدر عالیله عائله کدر دیده سنه متأثرانه ، آغلا یارق بیان تعزیت ایلر ، مغفور مومی الیه ده خیرلر ، رحمتلر ایله دعا یدره رز . رحمة الله علیه رحمة واسعة

بیلیمجه حلی

بک آچیق بیلیمجه یازدک کوزلم
شویله جه بیلیمجه کی حل ایدم
کلی چک آهه کتور : اولدی کلاه
آنی حامللر ایدر ذکر الله
اللی آلتی عددی البجده
بر کلاه نقش ایدیور لوح دله
هم آنک مغلوبی هالک اوله جق
چونکه حامللر اریوب صوله جق
ایلدیم بیلیمجه کی استخراج
هایدی کیدر باشمه حله تاج

مصطفی فوزی

طفل ایکن بن بلمجهک موصوفه اولدم مرید
حلی ظنم یرمک سرتاجیدر شیخم فرید
« کلاه »

قلعه سلطانیه ده : یوزباشی مصطفی نظمی افندیکن بخدومی یحیی نجاتی

مدیر مسئول : حسن کاظم

نجم استقبال مطبعه سی